

[32] CHAPITRE V.

DE QUELQUES ACTIONS PLUS REMARQUABLES.

L'ESPRIT de IESVS-CHRIST est vn Esprit pur, vn esprit qui destruit la nature & qui fait viure la grace; vn esprit qui prend ses delices & son repos non dans la panne & dans le fatin, mais dans vne ame enrichie d'vne amoureuse crainte. Vn ieune homme Sauuage assez disgracié de la nature, car il est rude en paroles, & ses recreations paroissent des coleres & des rebus, estant plusieurs fois sollicité secrettement par vne femme Payenne, il ne luy fit qu'vne seule responce: Tu n'as point d'esprit, tu viens trop tard, ie suis baptisé, ie prie Dieu, ie ne fçaurois plus cōmettre ces crimes. Vn ieune garçon prié par vne fille se mit encor mieux à couuert, car sans raisonner avec le serpent il s'enfuit comme le chaste Ioseph. Vne femme veufue assez ieune inuitée par vn ieune homme fut faisie de crainte & d'espouuante, s'estonnant qu'vn homme qui auoit tant oüy parler de l'Enfer, y voulut [33] descendre pour vn plaisir si passager.

Vn bon Chrestien qui receut le nom d'Ignace en son Baptesme, tomba malade d'vne fievre violente cet esté dernier: Il prie aussi-tost qu'on fasse venir le Pere pour se confesser, & voyant qu'il tardoit trop se fait porter à la Chappelle, par vn desir qu'il auoit de foulager son ame deuant que de penser son corps. De là on le porte dans vne petite Cabane d'écorces